



EXPTE. 2913/2025

ASUNTO: Convocatoria extraordinaria de axudas ou subvencións para a adquisición de libros de texto e/ou material escolar no curso escolar 2025-2026

En data 23 de xullo de 2025 aprobáronse por resolución de alcaldía núm. 2025-1522 as bases específicas para a concesión de axudas ou subvencións para a adquisición de libros de texto e/ou material escolar no curso escolar 2025-2026, que se publicaron no BOPPO núm. 141 do 28 de xullo de 2025 e cuxo texto íntegro se pode consultar en

<https://boppo.depo.gal/web/boppo/detalle/-/boppo/2025/07/28/2025053632>

Por resolución de Alcaldía núm. 2025-1567 de 28-07-2025 aprobouse a convocatoria das citadas axudas, que foi publicada no BOP nº 145 do 01-08-2025.

Rematado o prazo de solicitudes, foron concedidas axudas por un importe total de 2.925,00 euros, quedando un remanente sen gastar.

En data 22 de setembro de 2025 aprobouse por resolución de alcaldía núm. 2025-1897 unha **convocatoria extraordinaria**, outorgando un novo prazo de presentación de solicitudes de **cinco días hábiles**, a contar dende o día seguinte á publicación do anuncio desta convocatoria no Boletín Oficial da Provincia, de conformidade co establecido na LXS, mantendo as mesmas as bases específicas para a concesión de axudas ou subvencións para a adquisición de libros de texto e/ou material escolar no curso escolar 2025-2026, que se publicaron no BOPPO núm. 141 do 28 de xullo de 2025, modificando únicamente o punto 6 no que se refire ao orzamento, e que se reflicten a continuación.

BASES ESPECÍFICAS PARA A CONCESIÓN DE AXUDAS PARA A ADQUISICIÓN DE LIBROS DE TEXTO E/OU MATERIAL DESTINADAS A ALUMNADO MATRICULADO EN CENTROS DOCENTES PÚBLICOS DO CONCELLO DE NIGRÁN, DE EDUCACIÓN INFANTIL DA SEGUNDA ETAPA, NO CURSO ESCOLAR 2025/2026

As presentes bases específicas, que rexerán a convocatoria, en réxime de concorrência competitiva, para a concesión de axudas ou subvencións para a adquisición de libros de texto e/ou material escolar no curso escolar 2025-2026, estarán suxeitas á Lei 38/2003 do 17 de novembro, xeral de subvencións (en adiante LXS), á Lei 9/2007 de 13 de xuño de subvencións de Galicia (LXS), e ao Decreto 11/2009, de 8 de xaneiro polo que se aproba o regulamento que desenvolve a devandita lei.

1. FUNDAMENTACIÓN NORMATIVA

O Concello de Nigrán, asumindo as competencias recoñecidas no artigo 25.2,e da Lei 7/1985, do 2 de abril, Reguladora das Bases do Réxime Local, e no artigo 80.2,k da Lei 5/1997 de 22 de xullo, de Administración Local de Galicia, de acordo cos artigos 4 e 9.3 da Lei 13/2008 del 3 de decembro de Servizos Sociais da Comunidade Autónoma de Galicia, e coas determinacións da Lei 3/2011, do 30 de xuño, de apoio á familia e á convivencia de Galicia, procede a ditar as bases necesarias para a concesión de axudas para a adquisición de libros de texto e/ou





CONCELLO DE NIGRÁN (Pontevedra)

Pza Constitución, 1 CP 36350
Tfno. 986 365 000 Fax 986 383 931

material escolar para o curso 2025-2026.

2. OBXECTO DAS AXUDAS

As presentes bases teñen por obxecto regular o outorgamento de axudas ou subvencións ás familias do alumnado de centros docentes públicos do concello de Nigrán, de educación infantil da segunda etapa, coa finalidade de adquirir libros de texto e/ou material escolar necesarios para o curso 2025-2026.

3. BENEFICIARIOS/AS

Poderán ser beneficiarias das axudas aquelas unidades familiares que estean empadroadas no concello de Nigrán, residan neste termo municipal de xeito efectivo, e teñan fillos/as matriculados/as en centros públicos do municipio que cursen educación infantil, 2ª etapa, no curso 2025-2026

En calquera caso estas axudas son incompatibles con outras subvencións, axudas ou ingresos para a mesma finalidade.

4. REQUISITOS

1. Para poder optar ás axudas é requisito indispensable que os ingresos económicos da unidade familiar se axusten ao seguinte baremo, tendo en conta os ingresos da unidade familiar no ano 2024. Partirase do Indicador público de Renda de Efectos Múltiples (IPREM).

A renda da unidade familiar será o resultado de sumar as rendas de cada un dos membros computables da unidade familiar que obteñan ingresos de calquera natureza, de conformidade coa normativa reguladora do imposto sobre a renda das persoas físicas.

Cando se presente declaración do imposto sobre a renda das persoas físicas do ano correspondente, sumaranse a base imponible xeral e a base imponible de aforro. Cando non se presente, teranse en conta os ingresos de acordo cos datos tributarios facilitados pola Axencia Estatal de Administración Tributaria (certificado de imputacións) máis a documentación necesaria para a comprobación dos ingresos de calquera outra natureza.

Nº de membros da unidade familiar	Ingresos netos
Familias de 2 membros	21.600 €
Familias de 3 membros	27.600 €
Familias de 4 membros	33.600 €
Familias de 5 membros	42.000 €
Familias de 6 membros	51.000 €
Familias de 7 membros	59.400 €
Familias de 8 membros	67.800 €
Familias de 9 ou máis membros	76.200 €

Aos efectos anteriores, considérase unidade familiar a formada polo pai, nai, titor ou persoa encargada da garda e protección do/a menor e os/as fillos/as solteiros/as do solicitante menores de 25 anos que conviven no domicilio familiar ata a data de aprobación das presentes bases.

Nesta convocatoria, para os efectos de determinar a renda familiar, terase en conta





CONCELLO DE NIGRÁN (Pontevedra)

Pza Constitución, 1 CP 36350
Tfno. 986 365 000 Fax 986 383 931

a situación persoal e familiar a 31 de decembro de 2024.

No caso de separación ou divorcio dos proxenitores con custodia compartida acreditada mediante sentenza xudicial, as rendas de ambos os proxenitores incluíranse dentro do cómputo da renda familiar.

2. A efectos do cómputo de ingresos teranse en conta os de calquera procedencia: salarios, pensións contributivas e non contributivas, prestacións, rendas, rendementos por actividades profesionais, etc.

Computarán por dous cada un dos membros da unidade familiar que figurando na solicitude teñan unha discapacidade igual ou superior ao 33% ou que acrediten unha pensión de incapacidade permanente nos graos de total, absoluta ou grande invalidez

3. No caso de familias numerosas computaráselle un membro a maiores dos existentes na unidade familiar.

4. Dos ingresos medios mensuais descontaranse os gastos de alugueiro e hipoteca da vivenda habitual ata un máximo de 300 €/mes

5. Tendo en conta a natureza destas axudas sociais e a situación de necesidade das persoas destinatarias, ó abeiro do disposto no Art. 13.2 da LXS, exceptúase o requisito de acreditar o cumprimento das obrigas tributarias e coa Seguridade Social para obter a condición de beneficiario/a.

6. Os/as solicitantes non poderán ser beneficiarios/as doutras axudas, subvencións ou ingresos que teñan a mesma finalidade.

5. GASTOS SUBVENCIONABLES E IMPORTE DAS AXUDAS

As axudas deberán adicarse á adquisición de libros de texto e/ou material escolar necesarios para os/as beneficiarios/as descritos/as no apartado correspondente. A contía da axuda será de 65 € por cada neno/a matriculado/a en educación infantil (2ª etapa) nun centro público do municipio para o curso 2025-2026.

6. ORZAMENTO

A contía desta convocatoria extraordinaria ascende a 2.075,00 euros, con cargo á partida 231.2269907 do orzamento de gastos para o ano 2025.

7. PRESENTACIÓN DE SOLICITUDES

1. As solicitudes de axudas dirixíranse ao Ilmo. Sr. Alcalde e presentaranse no Rexistro do Concello de Nigrán, tal como se establece na Lei 39/2015, de 1 de outubro, de Procedemento Administrativo Común das Administracións Públicas.

2. O prazo de presentación de solicitudes será de cinco días hábiles dende o día seguinte á convocatoria destas bases que se publicará na Base Nacional de Subvencións e no Boletín Oficial da provincia, de conformidade co establecido na LXS.

3. Será imprescindible presentar a solicitude de subvención cuberta no modelo normalizado incluído como **Anexo I** das presentes bases.

A mera presentación da solicitude suporá que o solicitante coñece e acepta as presentes bases da convocatoria.





CONCELLO DE NIGRÁN (Pontevedra)

Pza Constitución, 1 CP 36350
Tfno. 986 365 000 Fax 986 383 931

4. Coa solicitude achegarase a documentación que se sinala:

- a) Fotocopia do documento nacional de identidade do solicitante e cónxuxe ou parella
- b) Fotocopia do libro de familia completo
- c) Fotocopia do IRPF do 2024 ou no seu defecto certificado negativo expedido pola Axencia Tributaria. No caso de non quedar suficientemente xustificadas os ingresos da unidade familiar, fotocopia da documentación necesaria para a comprobación dos datos económicos (vida laboral, nóminas, certificado de pensións, certificado de prestacións, rendas, declaracións trimestrais no caso de autónomos, etc.)
- d) Fotocopia do título de familia numerosa, de ser o caso
- e) Fotocopia do certificado do grao de discapacidade, de ser o caso
- f) No caso de separación ou divorcio, copia da sentenza ou convenio regulador
- g) De ser o caso, último recibo e contrato de aluguer, ou último recibo da hipoteca da vivenda habitual

8. TRAMITACIÓN E PROCEDEMENTO

1. A tramitación destas axudas realizarase polos servizos sociais municipais, que recibirá as solicitudes e comprobarán os requisitos esixibles e a documentación acreditativa e, de ser o caso, requirirá para que no prazo de 10 días hábiles se subsane a solicitude ou complete a documentación preceptiva, coa advertencia de que, de non facelo, teráselle por desistido da súa petición, logo da resolución oportuna.

2. As axudas adxudicaranse a aquelas unidades familiares que acrediten reunir os requisitos establecidos no aptdo. 4º das presentes bases, cos límites de importe establecidos, ata o esgotamento da partida orzamentaria adicada a esta finalidade. Se o número de solicitudes supera no seu importe total o da partida orzamentaria, darase prioridade ás solicitudes con menor nivel de renda. Os empates resolveranse a favor de quen primeiro presentase a solicitude.

9. PAGO DA AXUDA

1. O importe da axuda será de 65 € por cada neno/a matriculado/a en educación infantil nun centro público do municipio para o curso 2025-2026

2. Con carácter xeral, o pago da axuda realizarase mediante a entrega ao/á beneficiario/a da resolución de alcaldía por importe de 65 € por cada alumno/a. A resolución de alcaldía poderá canxearse por libros de texto e/ou material escolar en calquera das librerías participantes no programa ou nos centros escolares, no caso de que sexan estes os que subministren os libros/e ou material escolar aos/ás alumnos/as.

3. As librarías que participen no programa deberán achegar ao concello o conxunto das resolucións recibidas, xuntando facturas correspondentes aos libros realmente adquiridos polos beneficiarios con cargo a cada unha desas resolucións de alcaldía. A tal efecto, as facturas que se acheguen cumprirán os requisitos establecidos no Real Decreto 1619/2012 de 30 de novembro, polo que se regulan as obrigas de facturación, ou outros xustificantes ou documentos con valor probatorio equivalente, con validez no tráfico xurídico mercantil e con eficacia administrativa.

Igualmente, as facturas deberán estar desglosadas de xeito que podan identificarse





CONCELLO DE NIGRÁN (Pontevedra)

Pza Constitución, 1 CP 36350
Tfno. 986 365 000 Fax 986 383 931

os libros de texto/e ou material escolar adquiridos e os seus respectivos importes.

4. Cando os/as beneficiarios/as adquirisen os libros/e ou material escolar directamente nos centros escolares, os ditos centros presentarán as resolucións de alcaldía entregadas polos beneficiarios, así como un xustificante debidamente asinado onde se recollerá a identificación do/a pai/nai/titor, o alumno/a, os importes e os conceptos debidamente desglosados.

5. A documentación xustificativa deberá presentarse nos dous meses posteriores á entrega das resolucións de alcaldía aos/ás beneficiarios/as, no rexistro xeral, tal como se establece na Lei 39/2015, de 1 de outubro, de Procedemento Administrativo Común das Administracións Públicas.

10. REINTEGRO E REXIME SANCIONADOR

A falsidade ou ocultación dos datos ou documentos achegados polos/as beneficiarios/as da axuda, así como a non xustificación total ou parcial da mesma, ou destinala a un fin distinto para o que foi concedida, implicará o reintegro ao concello das axudas aboadas.

11. PROTECCIÓN DOS DATOS PERSOAIS

Os datos persoais obtidos neste procedemento serán tratados, na súa condición de responsable, polo Concello de Nigrán, coa finalidade de levar a cabo a tramitación administrativa que derive da xestión deste procedemento. O tratamento dos datos baséase no cumprimento dunha misión de interese público. Con todo, determinados tratamentos poderán fundamentarse no consentimento das persoas interesadas.

Os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou por obriga legal.

As persoas interesadas poderán exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica do Concello de Nigrán ou presencialmente nos lugares e rexistros establecidos na normativa reguladora do procedemento administrativo común.

12. VIXENCIA

As presentes bases estarán vixentes durante todo o ano 2025, quedando condicionadas pola existencia de consignación orzamentaria.

13. RECURSOS

Esta resolución pon fin á vía administrativa, polo que contra a mesma cabe interpoñer potestativamente recurso de reposición, no prazo dun mes, ante o mesmo órgano que o ditou, ou interpoñer directamente recurso contencioso-administrativo ante o correspondente Xulgado do Contencioso-Administrativo ou Sala do Contencioso-Administrativo do Tribunal Superior de Xustiza de Galicia, segundo a distribución de competencias que se contén na lei 29/1998 do 13 de xullo, no prazo de dous meses a contar dende a notificación ou publicación. Todo elo sen prexuízo de que se poida exercer, no seu caso, calquera outro recurso que se estime procedente.





CONCELLO DE NIGRÁN (Pontevedra)

Pza Constitución, 1 CP 36350
Tfno. 986 365 000 Fax 986 383 931

ANEXO I

AXUDAS PARA A COMPRA DE LIBROS DE TEXTO E/OU MATERIAL ESCOLAR – CONCELLO DE NIGRÁN

CURSO 2025-2026

DNI	Nome e apelidos	Teléfono			
ENDEREZO A EFECTOS DE NOTIFICACIÓN					
Nome da rúa, praza, etc		Número	Piso	Porta	Código Postal
Parroquia	Municipio	Provincia	Correo electrónico		

DIGO:

1. Que declaro baixo a miña responsabilidade que reúno os requisitos recollidos nas bases específicas da convocatoria para a concesión de axudas para a adquisición de libros de texto (curso 2025-2026).

2. Que teño a intención de solicitar a axuda mencionada para os seguintes alumnos:

ALUMNO/A Nº 1

Nome e apelidos	Data de nacemento	Relación co solicitante
Centro escolar para o curso 2025-2026	Curso académico	

ALUMNO/A Nº 2

Nome e apelidos	Data de nacemento	Relación co solicitante
Centro escolar para o curso 2025-2026	Curso académico	

ALUMNO/A Nº 3

Nome e apelidos	Data de nacemento	Relación co solicitante
Centro escolar para o curso 2025-2026	Curso académico	





CONCELLO DE NIGRÁN (Pontevedra)

Pza Constitución, 1 CP 36350
Tfno. 986 365 000 Fax 986 383 931

3. Que, de conformidade coas bases mencionadas, declaro que a composición da unidade familiar é a seguinte:

COMPOSICIÓN DA UNIDADE FAMILIAR DE CONVIVENCIA / INGRESOS (Non incluír aos nenos/as para os/as que se solicita axuda)				
Nome e apelidos	Data de nacemento	Parentesco co solicitante	Concepto ingresos (traballo, pensión, RISGA, desemprego...)	Sinatura

4. Que para que se poda tramitar a solicitude de axudas, achego a seguinte documentación:

- ☐ Fotocopia do documento nacional de identidade do solicitante e cónxuxe ou parella
- ☐ Fotocopia do libro de familia completo
- ☐ Fotocopia do IRPF do 2024 ou, no seu defecto, certificado negativo expedido pola Axencia Tributaria. De ser o caso, calquera outra documentación necesaria para a comprobación dos datos económicos
- ☐ Fotocopia do título de familia numerosa, de ser o caso
- ☐ Fotocopia do grao de discapacidade, de ser o caso
- ☐ No caso de separación ou divorcio, copia da sentenza ou convenio regulador
- ☐ De ser o caso, último recibo e contrato de aluguer, ou último recibo da hipoteca

5. Que autorizo ao Concello de Nigrán a obter doutras Administracións e organismos públicos e privados a información necesaria para tramitar e resolver as solicitudes, incluída a Axencia Estatal da Administración Tributaria.

- ☐ Si
- ☐ Non

Visto canto antecede,

SOLICITO que se me conceda a axuda para compra de libros de texto e/ou material escolar (curso 2025-2026) para os alumnos indicados no apartado correspondente.

Nigrán, _____ de _____ de 2025

Sinatura _____

O Alcalde

Documento asinado electronicamente na data que figura ao marxe

